

Feria v. die 2. Martij 1679.

In Generali Congregatione Sanctæ Romanæ , & Vniuersalis Inquisitionis habita in Palatio Apostolico Vaticano coram Sanctissimo D. N. D. Innocentio Diuina Prouidentia PP. XI. ac Eminentissimis , & Reuerendissimis Dominis S.R.E. Cardinalibus in tota Republica Christiana contra hæreticam prauitatem Generalibus Inquisitoribus à Sancta Sede Apostolica specialiter deputatis ..



Sanctissimus D.N. Innocentius Papa XI.
prædictus ouium sibi à Deo creditarum
A salu-

saluti sedulò incūbens, & salubre opus in
 segregandis noxijs doctrinarū pascuis ab
 innoxijs à fel. rec. Alexandro VII. Præ-
 decessore suo inchoatum proseguī volēs,
 plurimas propositiones partim ex diuer-
 sis, vel libris, vel thesibus, scū scriptis
 excerptas, & partim nouitèr adinuentas
 Theologorum plurimū examini, & dein-
 dè Eminentissimis, & Reuerendissimis
 Dominis Cardinalibus contra hereticam
 prauitatem Generalibus Inquisitoribus
 subiecit. Quibus propositionibus sedu-
 lò, & accurate sæpiùs discussis eorundem
 Eminentissimorum Cardinalium, & Theo-
 logorum votis per Sanctitatem Suam au-
 ditis. Idem Sanctissimus D. N. re postea
 maturè considerata, statuit, & decreuit
 pro nunc sequentes propositiones, &
 vnāquamque ipsarum, sicut iacent, vt
 minimū tamquā scandalosas, & in-
 praxi perniciosas, esse damnandas, &
 prohibendas, sicuti eas damnat, & prohi-
 bet. Non intendens tamen Sanctitas Sua
 per hoc Decretum alias propositiones
 in ipso non expressas, & Sanctitati Suae
 quomodolibet, & ex quacumque parte
 exhibitas, vel exhibendas vllatenùs ap-
 probare.

I. Non

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conuentio, aut periculum grauis damni incurrendi. Hinc sententia, probabili tantum vtendum non est in collatione Baptismi, Ordinis Sacerdotalis, aut Episcopalis.
2. Probabiliter existimo, Iudicem posse iudicare iuxta opinionem etiam minus probabilem.
3. Generatim dum probabilitate, siue intrinseca, siue extrinseca quantumuis tenui, modò a probabilitatis finibus non exeat, consili aliquid agimus, semper prudenter agimus.
4. Ab infidelitate excusabitur Infidelis non credens ductus opinione minus probabili.
5. An peccet mortaliter, qui actum dilectionis Dei semel tantum in vita eliceret, condemnare non audemus.
6. Probabile est, nè singulis quidem rigorosè quinquennijs per se obligare præceptum charitatis erga Deum.
7. Tunc solum obligat, quando tenemur iustificari, & non habemus aliam viam, qua iustificari possumus.

8. Comedere, & bibere vsq; ad satietatem ob solam voluptatem, non est peccatum, modò non obsit valetudini, quia licitè potest appetitus naturalis suis actibus frui.
9. Opus Coniugij ob solam voluptatem exercitum omni penitùs caret culpa, ac defectu veniali :
10. Non tenemur proximum diligere actu interno, & formali .
11. Præcepto proximum diligendi satisfacere possumus per solos actus externos .
12. Vix in Sæcularibus inuenies, etiàm in Regibus superfluum statui. Et ità vix aliquis tenetur ad eleemosynam, quando tenetur tantùm ex superfluo statui .
13. Si cum debita moderatione facias, potes absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum .
14. Licitum est absoluto desiderio cupere mortem Patris, non quidem, vt malum Patris, sed vt bonum cupientis, quia nimirũ ei obuentura est pinguis hæreditas.
15. Licitum est filio gaudere de parricidio

Parentis à se in ebrietate perpetrato propter ingentes diuitias indè ex hæreditate consecutas.

16. Fides non censetur cadere sub præceptum speciale, & secundum se.

17. Satis est, actum fidei semel in vita elicere.

18. Si à potestate publica quis interrogetur, fidem ingenuè confiteri, vt Deo, & fidei gloriosum consulo, tacere, vt peccaminosum per se non damno.

19. Voluntas non potest efficere, vt assensus fidei in seipso fit magis firmus, quam mereatur pondus rationum ad assensum impellentium.

20. Hinc potest quis prudentè repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solum probabili reuelationis; immò cum formidine, qua quis formidet, ne non sit locutus Deus.

22. Non nisi fides vnus Dei necessaria videtur necessitate medij, non autem explicita Remuneratoris.

23. Fides latè dicta ex Testimonio Creaturarum, similiuè motiuo ad iustificationem sufficit.

24. Vocare Deum in Testem mendacij leuis

non est tanta irreuerentia, propterquam
velit, aut possit damnare hominem.

25. Cum causa licitum est iurare sine animo iurandi, siuè res sit levis, siuè grauis.
26. Si quis, vel solus, vel coràm alijs, siuè interrogatus, siuè propria spontè, siuè recreationis causa, siuè quocumque alio fine iuret, se non fecisse aliquid, quod reuera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quoduis aliud additum verum, reuera non mentitur, nec est periurus.
27. Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas, vel ad quemlibet alium virtutis actum, itavt veritatis occultatio censeatur tunc expediens, & studiosa.
28. Qui mediante commendatione, vel munere ad Magistratum, vel Officium publicum promotus est, poterit cum restrictione mentali præstare iuramentum, quod de mandato Regis à similibus solet exigì, non habito respectu ad intentionem exigentis, quia non tenetur fateri crimen occultum.

29. Vr-

- 7
29. Vrgens metus grauis est causa iusta Sacramentorum administrationē simulandi.
 30. Fas est viro honorato occidere inuasorē, qui nititur calumniam inferre, si aliter hæc ignominia vitari nequit; idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.
 31. Regularitèr occidere possum furem pro conseruatione vnus aurei.
 32. Non solùm licitum est defendere defensione occisiua, quæ actu possidemus, sed etiam ad quæ ius inchoatum habemus, & quæ nos possèssuros speramus.
 33. Licitum est tam hæredi, quàm legatario contra iniustè impediētem, ne vel hæreditas adeatur, vel legata soluantur, se talitèr defendere, sicut & ius habenti in Cathedralam, vel Præbendam contra eorum possessionem iniustè impediētem.
 34. Licet procurare abortum ante animationem foetus, ne Puella deprehensa grauida occidatur, aut infametur.
 35. Videtur probabile omnem foetum, quādiū in vtero est, carere anima rationali, & tunc primū incipere eandem habere, cū paritur, ac consequentèr dicendum

erit in nullo abortu homicidium cōmitti.

36. Permissum est furari, non solum in extrema necessitate, sed etiam in graui.

37. Famuli, & famulæ domesticæ possunt occultè heris suis surripere ad compensandam operam suam quam maiorem iudicant salario, quod recipiunt.

38. Non tenetur quis sub pœna peccati mortalis restituere quod ablatum est per pauca furtiva, quantumcumque sit magna summa totalis.

39. Qui alium mouet, aut inducit ad inferendum graue damnum tertio non tenetur ad restitutionem istius damni illati.

40. Contractus Mohatra licitus est, etiam respectu eiusdem Personæ, & cum contractu retrouenditionis præuie inito, cum intentione lucri.

41. Cum numerata pecunia pretiosior sit numeranda, & nullus sit, qui non maioris faciat pecuniam præsentem, quam futuram, potest creditor aliquid vltra sortem à mutuuario exigere, & eo titulo ab usura excusari.

42. Usura non est dum vltra sortem aliquid exigitur tamquam ex beneuolentia, & gratitudine debitum, sed solum si exigatur

tur tamquam ex iustitia debitum .

43. Quidni non nisi veniale sit detrahentis auctoritatem magnam sibi noxiam falso crimine elidere ?

44. Probabile est non peccare mortalitèr , qui imponit falsum crimen alicui, vt suam iustitiam , & honorem defendat . Etsi hoc non sit probabile, vix vlla erit opinio probabilis in Theologia .

45. Dare temporale pro spirituali non est simonia , quando temporale non datur tamquam pretium , sed dumtaxat tamquam motium conferendi , vel efficiendi spirituale, vel etiàm quando temporale sit solum gratuita compensatio pro spirituali, aut è contra .

46. Et id quoque locum habet, etiamsi temporale sit principale motium dandi spirituale; immò etiam si sit finis ipsius rei spiritualis, sic vt illud pluris æstimeretur , quàm res spiritualis .

47. Cùm dixit Concilium Tridentinum eos alienis peccatis communicantes mortalitèr peccare , qui nisi quos digniores , & Ecclesiæ magis vtilis, ipsi iudicauerint ad Ecclesias promouent, Concilium, vel primò videtur per hoc digniores non aliud signi-

significare velle, nisi dignitatem eligendorum sumpto comparatiuo propositiue; vel secundò locutione minùs propria 'ponit digniores, vt excludat indignos, non verò dignos; vel tandem loquitur tertio quando fit concursus.

48. Tam clarum videtur, fornicationem secundum se nullam inuoluere malitiam, & solùm esse malam, quia interdicta, vt contrarium omninò rationi dissonum videatur.

49. Mollities iure naturæ prohibita non est. Vnde si Deus eam non interdixisset, sæpè esset bona, & aliquando obligatoria sub mortali.

50. Copula cùm coniugata, consentiente marito, non est adulterium; adeòque sufficit in confessione dicere, se esse fornicatum.

51. Famulus, qui submissis humeris scientèr adiuuat herum suum ascendere per fenestras ad stuprandum virginem, & multoties eidem subseruit deferendo scalam, aperiendo ianuam, aut quid simile cooperando, non peccat mortalitèr, si id faciat metu notabilis detrimenti, puta ne à Domino malè tractetur, ne toruis oculis aspici-

-cia-

ciatur, ne domo expellatur.

52. Præceptum seruandi festa non obligat sub mortali, seposito scandalo, si absit cōtemptus.
53. Satisfacit præcepto Ecclesię de audiendo Sacro, qui duas eius partes, immò quatuor simul à diuersis Celebrantibus audit.
54. Qui non potest recitare Matutinum, & Laudes, potest autem reliquas Horas, ad nihil tenetur, quia maior pars trahit ad se minorem.
55. Præcepto Communionis annuę satisficit per sacrilegam Domini manducationem.
56. Frequens Confessio, & Communio, etiã in his, qui gentilitèr viuunt, est nota prædestinationis.
57. Probabile est, sufficere attritionem naturalem, modò, honestam.
58. Non tenemur Confessario interroganti fateri peccati alicuius consuetudinem.
59. Licet sacramentalitèr absolueret dimidiatè tantum confessos ratione magni concursus Pœnitentium, qualis v. g. potest contingere in die magnę alicuius festiuitatis, aut Indulgentiæ.
60. Pœnitenti habenti consuetudinem peccan-

can-

candi contra legem Dei, Naturæ, aut Ecclesiæ, etsi emendationis spes nulla appareat, nec est neganda, nec differenda absolutio; dummodò ore proferat, se dolere, & proponere emendationem.

61. Potest aliquando absolui, qui in proxima occasione peccandi versatur, quam potest, & non vult omittere, quinimmò directè, & ex proposito quærit, aut ei se ingerit.
62. Proxima occasio peccandi non est fugienda, quandò causa aliqua utilis, aut honesta non fugiendi occurrit.
63. Licitum est quærere directè occasionem proximam peccandi pro bono spirituali, vel temporali nostro, vel proximi.
64. Absolutionis capax est homo quantumvis laboret ignorantia Mysteriorum Fidei, & etiamsi per negligentiam, etiam culpabilem nesciat Mysterium Sanctissimæ Trinitatis, & Incarnationis Domini Nostri Iesu Christi.
65. Sufficit illa Mysteria semel credidisse. Quicumque autem cuiusvis conditionis, status, & dignitatis illas, vel illarum aliquam coniunctim, vel diuisim defenderit, vel ediderit, vel de eis disputatiuè, publice,

cè, aut priuatim tractauerit, vel prædica-
uerit, nisi forsàn impugnando, ipso facto
incidat in excommunicationem latæ sen-
tentiaë, à qua non possit (præterquam in
articulo mortis) ab alio quacumque etiã
dignitate fulgente, nisi pro tempore exi-
stente Romano Pontifice absolui.

Insuper districtè in virtute Sanctæ Obe-
dientiaë, & sub interminatione Diuini Iu-
dicii prohibet omnibus Christifidelibus,
cuiuscumque conditionis, dignitatis, &
status, etiam speciali, & specialissima
nota dignis, nè prædictas opiniones, aut
aliquam ipsarum ad praxim deducant.

Tandem, vt ab iniurijs contentionibus
Doctores, seu Scholastici, aut alij quicū-
que imposterum se abstineant, & vt paci,
& charitati consulatur; idem Sanctissimus
in virtute Sanctæ Obedientiaë eis præci-
pit, vt tam in libris imprimendis, ac
manuscriptis, quàm in Thesibus, Dispu-
tationibus, ac Prædicationibus caueant
ab omni censura, & nota, necnon à qui-
buscumque conuicijs contra eas proposi-
tiones, quæ adhuc inter Catholicos hinc
indè controuertuntur, donèc à S. Sede

reco-

recognita super iisdem propositionibus
iudicium proferatur.

Franciscus Riccardus San- ctæ Romanæ, & Vniuer- salis Inquisitionis Not.

Loco † Sigilli.

Anno à Natiuitate D. N. IESV CHRISTI millesimo sexcen-
tesimo septuagesimo nono, Indictione secunda, die verò
4. mensis Martij, Pontificatus autem Sanctiss. in Christo
Patris, & D. N. D. Innocentij diuina Prouidentia Papæ
XI. anno tertio, supradictum Decretum affixum, & publi-
catum fuit ad valuas Basilicæ Principis Apostolorum, Can-
cellariæ Apostolicæ, & in acie Campi Fioræ, ac in alijs lo-
cis solitis, & consuevis Urbis per me Francj cum Perinum
eiusdem Sanctiss. D. N. Papæ, & Sanctissimæ Inquisitionis
Cursores.

ROMÆ, Typis Reu. Cam. Apost. 1679.



